

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

21 Décembre 2018

13 Rabi'ul Aakhir 1440 AH

Après ki li fine donne le *Salaam* (*Assalamoualaikum Warahmatullah Wabarakaatuhu*) à tous so bane disciples (et tous les musulmans) du monde entier, Hazrat Muhyi-ud-Din (atba) fine lire Tashahhud, Ta'uz, et Surah Al-Fatiha, et li fine ensuite axé so Khutba lors : *"Bane Faveurs, Signes & Révélations Divines"* et aussi donne quelques conseils à so bane disciples, surtout bane nouveaux adhérents.

Alhamdulillah, Summa Alhamdulillah, mo de retour à Maurice par la grâce d'Allah après ene mois passé dans l'Inde - Tamil Nadu et Kerala - rempli avec bane bénédictions, faveurs, signes et bane révélations divines. Mo tenir à remercier tous mo bane chers disciples ki fine prend grand soin de mo famille et moi-même pendant nous visite dans l'Inde. Ki Allah contigné, encore et encore, répandre lors zot So bane bénédictions et manifester So bane grands signes et révélations lors zot. *Ameen*.

Nous bizin touzours souvenir nous de bane faveurs d'Allah lors nous. Allah dire dans Quran: **« Si zot essaye compte bane faveurs d'Allah, zamais zot pou capave énumère zot. »** (An-Nahl 16: 19).

Zamais nous pas pou capave compte bane faveurs d'Allah lors nous. Le Jamaat Ul Sahih Al Islam et la manifestation divine ki nous pé vive depuis so tout début sous forme du Jamaat Ahmadiyya Al Mouslemeen, zot tous fine recevoir beaucoup faveurs d'Allah. Sa bane faveurs là tellement beaucoup ki pas capave même compter. Certains fine attrape sa faveur bénie bien fort et fine faire sa vine l'essence de zot la vie tandis ki bane les z'autres fine rejette li.

Et maintenant, *Alhamdulillah, Summa Alhamdulillah*, pendant mo visite dans l'Inde, mo bane disciples de Kerala et de Tamil Nadu fine être témoins de bane grands signes divines sous forme de révélations lors sa humble serviteur d'Allah et lors zot-mêmes. À la suite de mo bane *duahs* (supplications) incessant en zot faveur, zot fine recevoir, et aussi assisté la descente de bane révélations divines, même dans ene langue étrangère. *Allahu Akbar*.

Sa c'est bien vraie faveur d'Allah: **BANE REVELATIONS D'ALLAH** kot Allah causer et Li transmette So bane messages et So bane paroles de réconfort à So bane serviteurs. Par la grâce d'Allah, bane ki reste toujours fermes dans la manifestation divine de sa l'époque là pou recevoir sa bénédiction spéciale là en tant ki ene signe de mo véracité, et *Alhamdulillah*, Allah fine écoute mo la prière et fine béni certains de mo bane disciples avec So bane révélations et bane rêves bénis dans mo présence - parmi zot - et même après ki mo fine quitte zot et rentre Maurice. Ki Allah contigné guide et inspire tous mo bane disciples, que ce soit dans l'Inde ou ailleurs dans le monde, et faire zot vine bane véritables serviteurs d'Allah dans tous l'aspects du mot. *Ameen*.

Zot bizin toujours conserve sa *Amaanat* (dépôt) ki fine confier zot là. Zot bizin prend grand soin de zot propre *Imaan* (foi) et travaille dur pour grimpe bane marches de la spiritualité et rapproche zot avec Allah. En reconnaissant la Manifestation Divine de sa l'époque là et mo l'avènement en tant ki le Khalifatullah et Messenger d'Allah, zot tous fine recevoir bane bénédictions spéciales d'Allah, mais c'est à zot maintenant pou préserve sa faveur spéciale là et pou reste toujours sincères au sein du Jamaat Ul Sahih Al Islam. Dans tous bane circonstances, ki li dans bonheur ou malheur, zot bizin reste toujours reconnaissant envers Allah et reste fermes, même dans bane périodes de grands épreuves.

Alhamdulillah, zot nombres, mo bane disciples, que ce soit dans l'Inde ou dans le reste du monde, pé augmenter de jour en jour, d'ene façon extraordinaire. Comparé à tous bane les z'autres religions/ la foi de sa lé monde là, nous peu nombreux, nous ene ti l'armée de croyants, mais zot bizin toujours rappelle ki Allah et So bane anges avec nous et si nous peu nombreux azordi, mais demain zot pou en grand nombres, zot pou des milliers et même millions, et bane épreuves de la foi pou alors faire lors zot et Allah pou protéze toujours So bane serviteurs et Li pou protéze zot contre bane mals de Shaytane. C'est en effet le cycle de la foi. Premièrement, ena l'avènement d'ene messenger d'Allah ki vini avec le *Ruh'il Quddus* (le Saint-Esprit / bane révélations divines) et après so la mort, so bane véritables représentants amène so mission à ene nouveau niveau de succès, mais après, la corruption installer et alors, pour maintenir la lumière de la foi, Allah contigné envoie So bane messagers et So bane réformateurs pour défendre l'Islam, vraie la foi en face de sa lé monde, devant lizié de tous dimounes. Sa c'est en effet *Sunnat Allah* (la pratique d'Allah), parski la promesse d'Allah zamais alle dans vide. *Alhamdulillah*.

Kan nous cause « *faveurs d'Allah* », nous rappelle nous également de grand moyen ki Allah servi pou ouvert lé cœur de So bane serviteurs et donne zot *Hidaayat* (vrai guidance et le pouvoir pou accepter sa vrai guidance et guide là). Ki Allah béni tous bane ki fine prend le *Bai'at* dans mo la main kan mo ti dans l'Inde et raffermi zot dans zot *Bai'at* ziska zot dernier souffle lors la terre. *Ameen*.

Rappelle zot ki le *Bai'at* li couma dire zot pé vendre zot l'âmes avec Allah et So messenger en échange de bane récompenses dans *Aakhérat* et d'ene la vie éternel ki rempli avec la paix. Bane ki reste sincères dans zot *Bai'at* ziska zot dernier souffle et au-delà, zot bane ki Allah pou accorde bane hauteurs du paradis dans ene façon ki pli bénie. Allah fine réserve à bane telles dimounes So proximité et So l'amour exquis. Tous bane nouveaux convertis ou nouveaux venus dans Jamaat Ul Sahih Al Islam bizin toujours faire zéffort pou réforme zot la vies afin pour refléter le vrai Islam (*Sahih al Islam*). *Insha-Allah*.

Rappelle zot ki ene nouveau l'époque fine ouvert pou zot et ki zot la vie fine maintenant prend ene nouveau départ. Ataire, zot appartenir parmi bane ki dévoué à Allah (swt) et non pas à aucaine les autres dieux (fausses dieux). Zot

fine vine zoine la compagnie de bane suivants du Khalifatullah, le Muhyiuddin, et de ce fait kan zot fine embrasse le Jamaat Ul Sahih Al Islam, sa fine vine l'événement le plus important de zot la vie.

C'est ene mouvement ou ene communauté (*Jamaat*) révolutionnaire ki destiné depuis le règne du Saint Prophète de l'islam pou provoquer ene renaissance noble et spirituelle kot nous bizin réjouir de sa et ki nous bizin toujours rappeller.

C'est ene période de délibérations sérieux ki zot pé vivre et ki bizin être consacrer à la recherche de zot-mêmes, de zot l'âmes, de zot l'esprit, et aussi ki bizin consacrer à l'honnêteté, à ene évaluation de zot propre êtres et actions et ki zot gagne la volonté pou rassembler tous zot la forces pour la soumission finale à la volonté d'Allah. A partir de maintenant, zot bane dimoune différents de bane ki dans zot l'entourage. Zot bizin prouve au monde ki zot fine vine ene l'autre kalité dimoune, couma dire zot fine prend ene deuxième naissance en tant ki quelqu'un ki content Allah et ki Allah content, et aussi en tant ki quelqu'un ki content bane dimoune, malgré ki ou être aimé en retour ou non. A partir de maintenant, tout saki ou posséder appartenir à Allah. Ki Allah accepter zot bane offrandes ki zot faire en toute humilité. *Ameen*.

Zot bizin faire zéffort avec tout zot lé cœur pou respecter bane la loi du Quran et pou fasonne zot la vie conformément à la *Sunnah*, ki représente le style de vie du Saint Prophète de l'islam (saws). Offert régulièrement zot bane *Salaat* (prières) cinq fois par jour et prend l'habitude pou lire sak jour ene partie du Quran. Étudier traduction et commentaire (*Al-Azim Tafsir Ul Quran*) de saki zot pé lire du Quran et faire zéffort pou comprendre le message d'Allah.

Pou élargir zot bane connaissances religieuses, zot bizin cultiver l'habitude pou étudier la littérature du Jamaat Ul Sahih Al Islam, bane Livres du Messie Promis (as), bane commentaires du Quran Shareef (*Al-Azim Tafsir Ul Quran*), bane livres lors bane traditions du Saint Prophète Muhammad (saws), bane écrits de sa humble personne ki présent devant zot, le Khalifatullah et mo bane Khutba Jummahs et bane les z'autres discours.

Armé de bane connaissances religieuses, et en tirant zot la force de zot l'amour pour Allah, illumine le monde ki entoure zot et dissipe bane ténèbres (l'obscurité). Zot bizin réaliser ki kan zot vine ene vrai serviteur du Khalifatullah, alors c'est zot tous seul ki pou capave insuffler la vie à bane ki spirituellement morts.

Mo conseille zot donc pou reste en contact permanent avec le centre du Jamaat Ul Sahih Al Islam ki trouve dans zot pays ki zot pé rester. Respecter so discipline et coopérer de tout cœur avec le Amir Sahib, le responsable de l'organisation (Jamaat Ul Sahih Al Islam) de zot pays. *Insha-Allah.*

Par la grâce d'Allah, mo bane disciples zot bane témoins d'Allah dans sa l'époque là. Zot fine être amené à témoigner bane signes et bane manifestations divines et à travers zot la foi, pou éclairer le cœur de bane les z'autres avec la lumière de la vérité grâce à zot z'efforts et zot bane sacrifices. Ki Allah permette zot pou contigner de sa façon bénie là pou transmette le message divine. Zot couma bane ti messagers de la Manifestation Divine de sa l'époque là, du Jamaat Ul Sahih Al Islam, et en effet, c'est Allah ki guide bane ki Li oulé. Rappelle zot ki même bane l'ennemis ki plus durs capave demain vine zot meilleur camarades par la volonté d'Allah. Par conséquent, zot bizin toujours comporte zot couma bane vrais musulmans et zot bizin toujours humbles dans zot paroles et zot bane actions. Laisse zot islam guide bane les z'autres vers la vérité. Vine bane modèles de vertu. Mo conner ki zot pas pou capave vine parfaits à 100%, mais zot bizin efforce zot pou atteindre la perfection afin ki zot capave profite du plaisir d'Allah. Bane z'efforts ki zot faire dans sa chemin là et de sa façon là zamais pas pou alle dans vide, *Insha-Allah.*

Mu'adh fine rapporté: « Le Prophète (saws) fine ene jour attrape mo la main et fine dire moi : *Ô Mu'adh, par Allah, mo content toi !* Ensuite li fine dire : *Mo recommande toi, Ô Mu'adh, pou dire régulièrement à la fin de sak la prière (Salaat) : **Ô Allah, aide-moi pou invoque Toi, pou remercier Toi et pou adore Toi de la meilleure façon.*** » (Abu Dawud, An-Nasai).

Rappelle Allah tous les temps et Allah pou rappelle zot. Zot bizin aussi toujours être reconnaissant envers Allah pour tous bane faveurs et même pour bane malheurs dans zot la vie et Allah pou élimine tous zot bane difficultés d'ene

façon extraordinaire (sans ki zot attane). Reste reconnaissant envers Allah malgré bane obstacles lors zot chemin et Allah pou Li-même élimine tous bane obstacles et pou montrer zot le chemin du succès d'ene façon extraordinaire. Vine sincères et dévoués à Allah et à So Khalifatullah et à la cause d'Allah. Vine bane vrais musulmans dans tous les sens du mot. C'est mo conseil à zot tous afin ki zot capave contigner profite de bane faveurs d'Allah lors zot. Zamais zot pas pou capave compte So bane faveurs lors zot, et si zot écoute mo bane humbles conseils, zot pou alle loin dans la spiritualité.

Rappelle-zot ki non seulement zot lé corps bizin nourriture, mais ki zot l'âmes également bizin nourriture, et ki nourriture de bane l'âmes c'est *Ibaadat* (l'adoration d'Allah). Rappelle zot, si bane anges zot bane êtres de lumière et ki zamais zot ressenti kit fatigue dans zot l'adoration d'Allah, zot bizin donc maziné ki l'âme li également de l'essence d'Allah et ki li connecté à Allah et ki li bizin sa connexion là avec Allah pour progresser, vivre et prospérer. Sa prospérité spéciale là pou capave gagner zis par sa l'attachement particulier là, et c'est saki mo souhaiter à tous mo bane disciples et suivants sincères. Vine pour Allah et Allah pou vine pou zot. Pas faire paresse dans zot bane actes d'adoration. Reste fidèle à Allah dans sak aspect du mot. *Insha-Allah*, zot pou alle de succès en succès. Sa c'est mo *duahs* pour zot.

Ki Allah béni zot tous et faire ki Jamaat Ul Sahih Al Islam et tous bane vrais croyants d'Allah, de l'Islam, de *Sahih al Islam* prospérer et grandi dans tous bane coins et recoins de sa le monde là. *Ameen, Summa Ameen.*